

Mga Pagbabago Ng Mga Kailangan Ng Pagiging Mamamayan at Pagkakakilanlan sa Medi-Cal para sa mga Mamamayan at Nasyonal ng Estados Unidos

Ang isang bagong batas ay nagsasabi na ang *karamihan* ng mga aplikante at benepisaryo ng Medi-Cal na mga mamamayan o nasyonal ng Estados Unidos ay dapat magpakita ng katunayan ng pagiging mamamayan at pagkakakilanlan. Basahin sa ibaba upang malaman kung paano mag-aaplay ang batas sa inyo o sa inyong pamilya.

Kung ikaw ay hindi mamamayan o nasyonal ng Estados Unidos, ang mga pagbabagong ito ay hindi nauukol sa inyo.

Mga Aplikante sa Medi-Cal –

Kayo ay dapat magbigay ng katunayan ng pagiging mamamayan at pagkakakilanlan upang maging karapat-dapat para sa buong-saklaw ng Medi-Cal. Kung wala sa inyo ang katunayan ngayon, dapat pa rin kayong mag-aaplay at ibigay ang katunayan pagkatapos.

Kung hindi ninyo maibibigay ang inyong katunayan sa loob ng katamtamang tagal na panahon, ngunit matutugunan ninyo ang lahat na ibang mga kailangan sa pagiging karapat-dapat, kayo ay maaaring makakuha lamang ng limitadong mga benepisyo. Ang limitadong mga benepisyo sinasakop ang mga serbisyong emerhensiya, may kinalaman sa pagbubuntis, at pangmatagalang-termong pangangalaga.

Kung maibigay ninyo ang katunayan sa loob ng isang taon ng inyong aplikasyon, ang inyong mga benepisyo sa Medi-Cal ay mapapalitan mula sa limitado sa buong-saklaw umpisa sa petsa ng inyong aplikasyon, kabilang ang anumang may-bisa sa nakaraan na panahon.

Importante! Ang inyong buong-saklaw na mga benepisyo ng Medi-Cal ay hindi mag-uumpisa hanggang hindi ninyo naibibigay ang katunayan ng pagiging mamamayan at katunayan ng pagkakakilanlan.

Mga Benepisaryo ng Medi-Cal –

Kumpletuhin at ibalik ang *Taunang Pagpapasiya ng Pagiging Karapat-dapat* na pormas sa huling araw. Kung kayo ay walang katunayan ng pagiging mamamayan at pagkakakilanlan ngayon, maaari ninyong ibigay ito pagkatapos. Sabihin sa inyong manggagawa sa pagiging karapat-dapat na sinusubukan ninyong kunin ang katunayan. Kayo ay bibigyan ng katamtamang panahon upang maibigay ito.

Kung hindi ninyo maibibigay ang inyong katunayan ngunit patuloy ninyong natutugunan ang lahat na kailangan sa pagiging karapat-dapat, ang inyong buong-saklaw na mga benepisyo ng Medi-Cal ay papalitan sa limitadong mga benepisyo. Ito ay nangangahulugan na kayo ay makakukuha lamang ng mga serbisyong pang-emerhensiya, pagbubuntis, at pangmatagalang-termong pangangalaga.

Kung maibibigay ninyo ang katunayan sa loob ng isang taon ng buwan ng pagpapasiya muli ng inyong pagiging karapat-dapat, ang inyong mga benepisyo sa Medi-Cal ay papalitan na buong-saklaw umpisa sa buwan na ang inyong limitadong mga benepisyo ay nag-umpisa.

Importante! Ang inyong buong-saklaw na benepisyo ng Medi-Cal ay ipagpapatuloy habang natutugunan ninyo ang mga kailangan ng pagiging karapat-dapat at gumawa ng katamtamang pagsisikap upang makapagbigay ng katunayan ng pagiging mamamayan at pagkakakilanlan.

Mga Nasyonal ng Estados Unidos –

Ang mga nasyonal ng Estados Unidos kabilang ang mga taong ipinanganak sa American Samoa (kabilang ang Isla ng Swains) at mga tao mula sa Commonwealth ng Pinakahilagang Isla ng Marianas.

Hindi mamamayan ng Estados Unidos –

Kung kayo ay hindi mamamayan o nasyonal ng Estados Unidos, kailangan lamang ninyong magbigay ng parehong mga dokumentong kailangan noong una. Walang nagbago.

Paano kung nagbayad ako ng pangangalagang medikal o pangangalaga sa ngipin habang kinukuha ko ang mga dokumento ng katunayan ng aking pagiging mamamayan at pagkakakilanlan?

Maaaring bayaran ng Medi-Cal ang inyong mga kuwenta. Tawagan ang Mga Serbisyong Pang-Benepisaryo sa Departamento ng Mga Serbisyong Pangkalusugang Pangangalaga para sa mga sagot sa inyong mga tanong: **(916) 403-2007**.

Ang pinakamadaling paraan para sa mga mamamayan o nasyonal ng Estados Unidos upang patunayan ang katunayan ng pagiging mamamayan at pagkakakilanlan ay sa pamamagitan ng **isa** sa mga dokumentong ito:

- Pasaporte ng Estados Unidos na inisyung walang limitasyon (ang mga paso na ay maaaring tanggapin)
- Sertipiko ng Naturalisasyon (N-550 o N-570)
- Sertipiko ng Pagiging Mamamayan ng Estados Unidos (N-560 o N-561)

– O –

Kung wala kayong kahit isa sa mga dokumento sa itaas, magbigay ng...

Isang dokumento ng pagiging mamamayan na nakalista sa ibaba:

- ❖ Sertipiko ng Kapanganakan sa Estados Unidos
 - ❖ Sertipikasyon ng Ulat ng Kapanganakan (DS-1350)
 - ❖ Ulat ng Kapanganakan sa Ibang Bansa ng Isang Mamamayan ng Estados Unidos (FS-240)
 - ❖ Sertipikasyon ng Kapanganakan ng Departamento ng Estado (FS-545 o DS-1350)
 - ❖ Kard ng Pagkakakilanlan ng Pagiging Mamamayan ng Estados Unidos (I-197 o I-179)
 - ❖ Kard ng Amerikanong Indiyán (I-872)
 - ❖ Kard ng Pinakahilagang Marianas (I-873)
 - ❖ Kahuli-hulihang atas ng pag-ampon na nagpapakita ng Estados Unidos na lugar ng kapanganakan
 - ❖ Katunayan ng pag-ampon ng isang bata na ipinanganak sa labas ng Estados Unidos at nasa legal/pisikal na pangangalaga ng isang magulang na mamamayan ng Estados Unidos (IR-3 o IR-4)
 - ❖ Katunayan ng pagtratrabaho sa serbisyo sibil bago Hunyo 1, 1976
 - ❖ Rekord ng serbisyong militar ng Estados Unidos na nagpapakita ng lugar ng kapanganakan
 - ❖ Rekord ng ospital ng Estados Unidos na ginawa sa panahon ng kapanganakan *†
 - ❖ Rekord ng seguro sa buhay, kalusugan, o iba pang rekord sa seguro *†
 - ❖ Pang-relihiyong rekord na nakatala sa Estados Unidos sa loob ng 3 buwan ng pagkapanganak na nagpapakita ng lugar ng kapanganakan sa Estados Unidos o edad
 - ❖ Naunang rekord sa paaralan na nagpapakita ng lugar ng kapanganakan sa Estados Unidos, petsa ng pagkatanggap, petsa ng kapanganakan, mga pangalan at lugar ng kapanganakan ng mga magulang
- ❖ Rekord ng sensus ng Pederal o Estado na nagpapakita ng edad ng aplikante at pagiging mamamayan ng Estados Unidos o lugar ng kapanganakan
 - ❖ Rekord ng sensus ng tribung Seneca Indiyán *†
 - ❖ Rekord ng sensus ng tribu ng Bureau of Indian Affairs ng mga Navajo Indiyán *†
 - ❖ Notipikasyon ng rehistrasyon ng kapanganakan sa U.S. State Vital Statistics *†
 - ❖ Isang naantalang pampublikong rekord ng kapanganakan sa Estados Unidos na iniulat nang mahigit na 5 taon pagkatapos ng kapanganakan ng tao *†
 - ❖ Pahayag na pinirmahan ng doktor o komadrona na naroroon sa pagsilang *†
 - ❖ Talaan ng Katutubong taga-Alaska mula sa Bureau of Indian Affairs *†
 - ❖ Mga papeles na nagpapakita ng pagtanggap mula sa pasilidad ng pag-aaruga o sinanay sa pag-aalaga, o ibang institusyon na nagpapakita ng lugar na kapanganakan sa Estados Unidos *
 - ❖ Rekord na Medikal (hindi rekord ng imunisasyon) *†
- * Dapat may petsang hindi kukulangin sa 5 taon bago ng inyong unang aplikasyon sa Medi-Cal at nagpapakita ng lugar ng kapanganakan.

† Para sa mga batang wala pang 16, dapat nagawa nang malapit sa panahon ng kapanganakan.
- Dapat** kayong magbigay ng dokumentong nasa pinakauna sa itaas ng listahan na maaari ninyong kunin.

Kung **hindi** kayo makapagbigay ng alinman sa mga dokumento ng pagiging mamamayan...

Hilingin ang dalawang may sapat na gulang na kumpletuhin at pirmahan ang isang *Sinumpaang Pahayag ng Pagiging Mamamayan*. Ang parehong may sapat na gulang ay kailangang may katunayan ng kanilang pagkakakilanlan at pagiging mamamayan ng Estados Unidos, at dapat isa lamang ang maaari ninyong kamag-anak.

– AT –

Isang dokumento ng pagkakakilanlan na nakalista sa ibaba:

- ❖ Lisensiya ng Pagmamaneho na inisyu ng Estado o Teritoryo ng Estados Unidos na may larawan o iba pang mga impormasyong nagpapakilala
 - ❖ Kard ng pagkakakilanlan sa paaralan na may larawan
 - ❖ Kard ng Pagkakakilanlan sa Militar o draft record
 - ❖ Kard ng Pagkakakilanlan sa pederal, estado o lokal na pamahalaan na kasama ang parehong impormasyong nasa lisensiya ng pagmamaneho
 - ❖ Kard ng Pagkakakilanlan ng sustentado ng Militar sa Estados Unidos
 - ❖ Isang Pasaporte ng Estados Unidos (inisyung may limitasyon)
 - ❖ Sertipiko ng Katunayan ng Dugong Indiyán o iba pang dokumento ng Tribung Amerikanong Indiyán/Katutubo ng Alaska ng Estados Unidos
 - ❖ Kard ng Coast Guard Merchant Mariner ng Estados Unidos
 - ❖ Tatlo o mahigit na dokumentong nagpapatotoo, kagaya ng mga kard ng pagkakakilanlan ng empleyado, diploma sa kolehiyo o mataas na paaralan, lisensiya sa kasal, atas ng diborsiyo, at kasulatan/titulo ng ari-arian
 - ❖ Mga rekord sa klinika, doktor, o ng ospital para sa batang wala pang 16
 - ❖ Rekord ng paaralan, nursery school, o daycare, kabilang ang mga report kard, para sa batang wala pang 16. Ang county ang magpapatunay sa paaralan.
- ❖ Para sa mga taong may kapansanan na nakatira sa pasilidad ng pangangalagang pantahanan, ang isang Sinumpaang Pahayag na pinirmahan ng direktor o tagapangasiwa ng pasilidad
- Para sa **batang wala pang 16** na hindi nagbigay ng *Sinumpaang Pahayag ng Pagiging Mamamayan*, maaari kayong mag-sumite ng:

 - ❖ Isang Sinumpaang Pahayag ng pagkakakilanlan ng bata na pinirmahan ng magulang, tagapag-alaga, o kamag-anak na nag-aalaga na may kasamang petsa at lugar ng kapanganakan.
 - ❖ Isang aplikasyon sa Medi-Cal o isang pinagsamang aplikasyon sa Healthy Families/Medi-Cal na nagpapakita ng petsa at lugar ng kapanganakan ng bata, at pinirmahan ng magulang, tagapag-alaga o kamag-anak na nag-aalaga sa bata.
- Para sa **batang wala pang 18**, ang isang Sinumpaang Pahayag ng pagkakakilanlan ng bata na pinirmahan ng magulang, tagapag-alaga, o kamag-anak na nag-aalaga ay maaaring gamitin kung hindi makukuha ang mga kard ng pagkakakilanlan sa paaralan o lisensiya sa pagmamaneho.

Tala: Ang mga pasong dokumento ng pagkakakilanlan ay maaaring tanggapin na katunayan ng pagkakakilanlan.